



Adressatas ed adressats
tenor la glista da distribuziun

Cuir, ils 30 d'avust 2018

Project fiscal 17 – revisiun parziala da la lescha chantunala da taglia e da la lescha davart las taglias communalas e davart las taglias da baselgia: Invitaziun a la consultaziun

Stimadas dunnas e stimads signurs

Nus ans legrain d'As pudair suttametter la revisiun parziala da la lescha da taglia per il chantun Grischun (LT; DG 720.000) e da la lescha davart las taglias communalas e davart las taglias da baselgia (LTCTB; DG 720.200) per prender posiziun. Cun questa revisiun parziala duai vegnir realisà il project fiscal 17 (PF17) sin plaun chantunal.

La realisaziun dal PF17 en il chantun è la realisaziun dal dretg federal che vegn il mument anc debattà en las chombras federalas. Il project federal n'è pia anc betg fixà definitivamain e po anc subir midadas. Pervia dal plan da termins stretg, prescrit da la confederaziun, sto la procedura da legislaziun avair lieu en il chantun parallelamain a la legislaziun federala. Perquai ch'il dretg federal che sto vegnir realisà, po però anc midar e perquai che sias disposiziuns ston alura vegnir surpigliadas dal chantun, vegni desistì da metter en discussiun texts da lescha concrets en questa consultaziun.

Ils puncts centrals dal project èn ils suandants:

- reducziun da la taglia sin il gudogn dad actualmain 5,5 pertschient a 4 pertschient;
- suveranità fiscal da las vischnancas per la taglia sin il gudogn e sin il chapital e pussaivladad da fixar in pe da taglia communal da 90 fin 115 pertschient;
- nagina regulaziun speziala per las baselgias chantunalas che ston surpigliar sezzas il minus d'entradas;
- augment da l'imposiziun parziala da taglia per retgavs ord participaziuns decisivas sin 70 pertschient;

- distgargia en la Patent box da 70 pertschient;
- nagina deducziun supplementara per ils custs da perscrutaziun e svilup;
- distgargia maximala da 70 pertschient;
- mantegniment da la taglia bassa sin il chapital per las societads vertentas cun status spezial;
- nagina indemnizaziun da las vischnancas;
- naginas mesiras da la politica sociala per mitigiar politicamain il project;
- perditas per il chantun da 10 milliuns francs pervia da mesiras da la confederaziun (NGF e parts vi da la taglia federala directa) e dad 11,5 milliuns francs pervia da mesiras da realisaziun chantunalas; totalmain 21,5 milliuns francs.

Ils documents da la consultaziun pon vegnir chargiads giu da la pagina d'internet dal chantun sut las [consultaziuns currentas](https://www.gr.ch/RM/publicaziuns/Consultaziuns/Seiten/Laufende.aspx)¹. Profitai da l'ocasiun d'examinar ils documents e tramettai Vossa posiziun en scrit u en furma electronica fin **il pli tard ils 30 da november 2018** a l'**administraziun chantunala da taglia, Steinbruchstrasse 18, 7001 Cuira** u per e-mail ad: info@stv.gr.ch. Il termin da consultaziun na po betg vegnir prolungà.

Il plan da termins dependa da las activitads legislativas en la confederaziun. Actualmain planisain nus ch'il project vegnia tractà en la sessiun d'avust 2019 dal cussegl grond ed entria en vigur il 1. da schaner 2020.

Nus As engraziain per Voss interess.

Salids amicabels

Departament da finanzas
e vischnancas dal Grischun

La scheffa



Barbara Janom Steiner
Cussegliera guvernativa

¹ <https://www.gr.ch/RM/publicaziuns/Consultaziuns/Seiten/Laufende.aspx>

Participantas e participants a la consultaziun

- ♦ vischnancas
- ♦ partidas politicas e partidas giuvnas
- ♦ dretgira administrativa, dretgira chantunala
- ♦ departaments chantunals e chanzlia chantunala
- ♦ controlla da finanzas, uffizi da vischnancas, incumbensà per la protecziun da datas
- ♦ baselgias chantunalas
- ♦ federaziun dals uffizis communals da taglia
- ♦ federaziun grischuna d'advocats
- ♦ uniun grischuna d'artisanadi e mastergn
- ♦ federaziun grischuna dals notars
- ♦ cussegl grischun da las persunas attempadas
- ♦ centrala grischuna da dunnas
- ♦ gastroGrischun
- ♦ UNIA, il sindicat
- ♦ uniun sindacala dal Grischun
- ♦ chombra da commerzi e federaziun da las patrunas e dals patruns
- ♦ associaziun grischuna da las proprietarias e dals proprietaris da chasas
- ♦ uniun grischuna da las hotelieras e dals hoteliers
- ♦ uniun catolica da dunnas
- ♦ associaziun grischuna da las locatarias e dals locataris
- ♦ uniun svizra da las fiduziarias e dals fiduziaris, secziun dal Grischun
- ♦ SVIT dal Grischun
- ♦ SYNA, il sindicat
- ♦ EXPERTsuisse, secziun dal Grischun
- ♦ SSP